

巴豆貳箇去皮心炒

杏仁貳箇去皮尖

右貳味取綿纏槌令碎熱湯貳合捻取白汁飲之當下老少量與

列考卷第
全

寒疝

寒疝散治寒疝入腹心腹卒痛及小腸膀胱氣絞刺脾腎氣

攻攣急極痛不可忍屈伸不能腹中冷重如石白汗出

山梔子肆拾枚

詳拾攻管

附子壹枚

右為末每服貳錢水壹盞酒半盞煎至七分入鹽一捻

溫服即愈良方同

列考卷第
全

白散

白散治一切冷氣不和及本臟膀胱氣攻刺疼痛及治婦

人產前產後腹痛胎不安或血刺者兼能治血藏宿冷百

骨節倦疼肌瘦怯弱傷勞帶癖久服尽除但婦人一切疾

病最宜服之

川芎

當歸

枳殼熱炒

厚朴薑製

官桂去皮

青皮

乾薑炮

茴香炒

川練炒

神麴炒

麥蘖炒

三稜炮

蓬朮醋浸

人參

茯苓

芍藥

木香炮

乾地黄各壹兩

右為末每服三錢水一盞葱白二寸煎七分入鹽少許

熱服大便秘澀加大黃煎大便自利加訶子煎食前服

失笑散

治小腸氣痛及婦人血痛心腹絞痛欲死十餘日百

藥不驗蘇沈名醫方論散

五靈脂

蒲黃炒等分

右末每服二錢先用醞醋一合熬藥成膏水一盞煎至

七分熱呷服

舊有以香薷煎取之味極見其毒

神應散

治諸疝心腹絞痛不可忍

玄胡索

胡椒等分

右為末每服二大錢酒半盞水半盞煎七分食前溫服

事證後集
上卷心經分
本心

全

三因極一病證方論

五

疝叙論

經論雖云染疝諸疝等更不見名狀但出寒疝癰疝而已唯
 大奇論列五臟脉為五疝證所謂腎脉大急沉為腎疝肝脉
 大急沉為肝疝心脉搏滑急為心疝肺脉沉搏為肺疝三陰
 急為脾疝三陰即太陰脾脉也大抵血因寒泣則為癰氣因
 寒聚則為疝但五臟脉理不同不可不辨且腎脉本沉心脉
 本滑受寒則急於理乃是肝脉本弦肺脉本濇並謂之沉未
 為了義又脾不出本脉但云急為疝亦文義之缺也凡云急
 者緊也緊為寒亦可類推且賊風入腹亦為疝冒暑後濕皆
 能為疝當隨四氣改易急字風則浮弦暑則洪數濕則緩細
 於理甚明要知疝雖兼臟氣皆外所因也

諸疝證治

疝之為病隨臟氣虛實感傷外邪寒泣風散暑鬱濕著絞刺
 擊搏無有定處倉卒之際痛不堪忍世人稱為橫弦豎弦勝
 脫小腸氣賊風入腹等名義不同證狀則一寒則溫之風則
 散之暑則利之濕則燥之各有成法

大烏頭湯治風寒疝腹中痛逆冷手足不仁身躄疼痛
 灸刺諸藥不能療及賊風入腹攻刺五臟拘急不得轉側
 發作叫呼陰縮悉主之

大烏頭

伍枚實者去皮尖蜜漬大

桂心

芍藥

各參錢甘草

右為剉散每服四大錢水一盞半薑五片大棗二箇入
 煎煎烏頭蜜半合同煎至七分盞去滓食前服

一法用附子壹箇不使烏頭為蜜附湯

走馬湯治卒疝無故心腹痛陰縮手足厥逆并治飛尸鬼擊



古本清高
古本清高

李澄孫集
上卷四合

全

百八二

全

湯花切

卷
百八三

列事卷之六

大烏頭湯治寒疝繞臍發白汗出手足厥其脉沉弦悉主之

大烏頭

伍箇洗淨細切炒令黑不變粗

右一味水三盞煎取八分去烏頭入蜜半盞已下煎七分兩上空腹服

列事卷之六

牡丹圓治寒疝心腹刺痛休作無時及治婦人月病血刺

川烏頭

炮令焦黑去皮尖

牡丹皮

肆兩

桂心

二兩

桃仁

炒去皮尖五兩別研

古末煉蜜丸梧子大每服五十圓溫酒下婦人醋湯下

小茴香圓治小腸氣腹痛

茴香

胡椒等分

右為末酒糊丸如梧子大每服五十圓空心溫酒下

列事卷之六

苦練圓治肝腎氣虛風冷相搏心腹絞痛攻刺腰背不能禁

受下注陰器腫痒疼痛久服養腎活血駐顏輕身奈老進美飲食

川練

一十一箇到碎分三去一用巴豆七粒去皮同炒焦黑色去巴豆不用又用斑蝥七箇同炒焦去

斑蝥又用海金沙七錢重同炒去海金沙不用

茴香

炒

破故紙

炒

葫蘆巴

炒

木香

炮各一兩

烏藥

二兩

右為末酒糊丸如梧子大每服三五圓湯酒任下

蒲腎湯治寒疝入腹上實下虛小腹疔痛時復泄瀉胃膈痞

滿不進飲食常服溫脾補腎

人參

茯苓

白朮

黃芪

附子

炮去皮臍各壹兩

沉香

四錢

木瓜

壹兩半

羌活

半兩

甘草

炙

芎藭

各壹分

紫蘇

三分

右為剉散每服三錢水一盞姜三片棗一枚煎七分去

滓食前服嘔加半夏半兩添水作盞半姜七片煎

叙厥論

經云厥者逆也有寒厥有熱厥有六經厥有尸厥寒厥者陰

列事卷之六

氣起於足五指之裏集於膝下聚於膝上故陰氣勝則從五指至膝上寒陽氣衰不能滲營其經絡陽氣日損陰氣獨在故手足爲之寒名曰寒厥熱厥者陽氣起於足五指之表集於足下聚於足心故陽氣勝則從五指至足心熱熱入於胃絡脉滿經脉虛陰虛陽入腎氣衰陽氣獨勝故手足爲之熱名曰熱厥六經厥者頭重足弱發爲暈仆名曰太陽厥妄言走呼腹滿面赤名曰陽明厥暴顛腫脇筋拘痛名曰少陽厥腹脹後閉食則寒嘔名曰太陰厥口乾溺赤腹滿心痛名曰陰厥溼洩不利脘熱陰縮名曰厥陰厥尸厥者脹滿暴不知人或至半日遠至一日此以陰氣盛於上則下虛下虛則腹脹腹脹則下氣重上而邪氣逆逆則陽氣亂而不知人矣名曰尸厥經論如此雖粗分六經殊不出寒熱二證所因欲求備治當歷明之寒厥則因多慾而奪其精故致陽衰陰盛熱厥則因醉飽入房精虛則熱入故致陰虛陽盛致其厥因多以不勝乘其所勝氣不得行遂致於逆如腎移寒於脾則水乘于土水既不行乃成寒厥如心移熱於腎則火乘于水水既不行乃成熱厥六經皆然可次第論也所謂得其要者一言而終矣尸厥亦然正由藏氣相刑或與外邪相忤則氣遏不行閉於經絡諸脉匿伏昏不知人唯當隨其臟氣而通之寒則熱熱則寒閉則通如經所謂盛則瀉虛則補不盛不虛以經取之其旨一也經中以數辭爲熱厥之因學者不可拘此蓋傷寒溫病皆有熱厥仲景所謂熱深厥深聖意以酒能發百脉熱故舉此以爲例耳不可不知

陰陽厥脉證治

陰陽相乘而生寒熱厥者脉證似同而大異寒厥者初得之四肢冷脉沉微而不數多惡寒引衣自覆下利清穀外證多

惺惺熱厥者初得之必發熱頭疼脉雖沉伏按之必數其人
或畏熱喜冷揚手掉足煩躁不眠大小便秘赤外證多昏冒
傷寒亦然治之各有方

四逆湯治寒厥或表熱裏寒下利清穀食入則吐或乾嘔或
大汗大吐大下之後四肢冰冰五內拘急舉身疼痛不渴
脉沉伏

大附子

去皮臍生用

乾薑半兩

甘草

炙壹分

附子半兩

右剉散每服四錢水二盞煎七分去滓食前溫服併進
取效別本大附子生用一箇去無下附子半兩四錢

白虎湯治熱厥腹滿身重難以轉側面垢譫語遺溺手足厥
冷自汗脉沉滑裏有熱也

石膏

四兩

知母

壹兩

甘草

炙半兩

右為剉散每服四大錢水二盞粳米一撮煮米熟去滓
取七分清汁服可併進服

承氣湯亦治熱厥方見傷寒門舉此為例當觀病淺深量多
寡以飲之方見第四卷

卒厥尸厥脉證治

追魂湯治卒厥暴死及主客忤鬼擊飛尸奄忽氣絕不覺

麻黃

去節三兩

杏仁

去皮尖二

甘草

炙壹兩

右為剉散每服四錢水一盞半煎七分去滓灌之通治
諸感忤或口噤拗口不開去齒下湯湯入口活不下分
病人髮左右捉搦肩引之藥下漸令服及取効千金有
桂心二兩金匱云寸脉沉大而滑沈則為實滑則為氣
實氣相搏血氣入臟則死入腑則愈若卒厥唇口青身
冷為入臟即死身和汗出則愈

內臍散治尸厥脉動而無氣氣閉不通靜而若死亦名卒厥

菖蒲

右為末內鼻孔中吹之令入仍以桂末安舌下

眩暈證治

方書所謂頭面風者即眩暈是也然眩暈既涉三因不可專為頭面風如中傷風寒暑濕在三陽經皆能眩人頭重項強但風則有汗寒則掣痛暑則熱悶濕則重着吐逆眩倒屬外所因喜怒憂思致藏氣不行鬱而生所涎結為飲隨氣上厥伏留陽經亦使人眩暈嘔吐眉目疼痛眼不得開屬內所因或飲食飢飽甜膩所傷房勞過度下虛上實拔牙金瘡吐衄便利去血過多及婦人崩傷皆能眩暈眼花屋轉起則眩倒屬不內外因治之各有法

大豆紫湯治中風頭眩惡風自汗吐冷水及產後百病或中風痲痺背強口噤直視煩熱

獨活壹兩半 大豆半升 酒三升

右先以浸獨活煎一二沸別炒大豆極焦煙出急投酒中密封候冷去豆每服一二合許得少汗則愈日數十服此湯能去風消血結如妊娘折傷胎死腹中服此得

三五七湯治感寒頭眩惡寒口眼喎斜耳聾

大附子三兩 山茱萸伍兩 山藥七兩

右為末每服二錢匕酒調服或咬咀每服四大錢水盞半薑五片棗一箇煎七分去滓服

黃龍圓治感暑眩暈昏不知人方見中暑門

翹木散治冒濕頭眩暈經久不差嘔吐涎沫飲食無味主之

神翹二兩 炒白木三兩

右為末每服二錢生薑煎湯調下或以酒糊圓如梧子大每服三五十圓湯飲任下

署預湯治七情內動臟氣不行鬱而生涎涎結為飲隨氣上厥伏留陽經心中忪悸四肢緩弱翕然而熱頭目眩冒如欲搖動

署預 人參 麥門冬去心各兩 前胡 白芍藥

熟地黃各貳兩 枳殼去穢炒 遠志去心各三分

白茯苓 茯神各壹兩半 半夏湯洗去滑壹兩壹分 甘草半兩 黃芪壹兩

右為劉散用千里流水壹盞半薑七片秫米壹撮煎七分去滓食前服

白散子治上實下虛眩暈昏塞方見中風門

芎藭湯治產後去血過多運悶不省及傷胎去血多崩中去血多金瘡去血多拔牙齒去血多不止懸虛心煩眩暈頭重目暗耳聾卒頭欲倒

芎藭三兩 當歸參兩去土切焙乾

右為劉散每服四錢水一盞半煎七分去滓熱服不以時候

黑錫丹治陰陽不升降上熱下冷頭目眩暈病至危篤或服暖藥替上愈甚者當服此藥已經增損方

硫黃或兩推如皂莢子大候氣成汁入硫黃在內勿令焙起候硫黃化傾出於九重紙內入一地坑以盞蓋 川練子 黑鉛不夾錫者先鎔成汁各貳兩

陽起石煨 木香 沉香 青皮炒各半兩

肉苳蔻一兩 茴香炒 官桂去皮不見火 附子炮去皮

胡荽炒 破故紙炒各壹兩 烏藥去木對

右為細末酒糊為丸如梧子大每服二五十圓至一百圓濃煎人參茯苓薑棗湯吞下食前服

症叙論匯亦作症

夫人之筋各隨經絡結束於身血氣內虛外為風寒濕熱之

所中則痊故寒則緊縮熱則弛張風則弦急濕則脹緩四氣
 兼井當如常說以風散氣故有汗而不惡寒曰柔痊寒泣血
 故無汗而惡寒曰剛痊熱消氣故為瘰縱濕溢血故為緩弱
 經中所謂大筋綆短小筋弛長綆短為拘弛長為痿昏濕熱
 不攘之所為也原其所因多由亡血筋無所營故邪得以襲
 之所以傷寒汗下過多與夫病瘡人及產後致斯病者既可
 見矣診其脉皆沉伏弦緊但陽緩陰急則元元拘攣陰緩陽
 急則反張強直二證各異不可不別

痊叙例治法 破傷風破傷濕並附

病者身熱足寒頭項強急惡寒時頭熱面赤目脉赤獨頭動
 搖卒口噤背反張以發熱惡寒不寒有汗無汗分剛柔者
 風寒痊也脉沉細即為濕痊瘡瘍未合風入為破傷風濕入
 為破傷濕二者害人最急倉卒不知其因其甚難忍癰疽瘰癧
 膿潰之後尤宜謹之產婦汗多或因怒厥皆成此病治之各
 有方治

括樓桂枝湯 治柔痊身體強兀兀然脉反沉遲自汗

括樓根貳兩 桂心 白芍藥各參兩 甘草貳兩

右為剉散每服四大錢水盞半薑五片棗二枚煎七分
 去滓溫服汗不透食頃啜熱粥發之

葛根麻黃湯 治剛痊無汗小便少氣上衝胃口噤不能語王之

葛根肆兩 麻黃去節 桂心 白芍藥 甘草各參兩

右剉散每服四大錢水盞半薑五片棗二枚煎七分去
 滓食前服

大承氣湯 治剛痊胃滿口噤卧不着席脚攣急斷齒主之方

大黃肆兩 厚朴捌兩 枳殼貳兩 芒消貳錢

右剉散每服四大錢水盞半煎七分去滓入芒消貳錢

已煎鎔服得利止後服此以陽明養宗筋陽明者胃也
風濕寒入于胃則熱甚宗筋無以養故急直利陽明以
治其能養也

參桂湯治卒半身不遂手足拘急不得屈伸身躄冷或智或
癡或身強直不語或生或死狂言不可名狀角弓反張或
欲得食或不用食或大小便不利悉主之

人參

桂心

當歸

獨活

黃芩

乾薑炮

甘草炙各一兩

石膏半兩

杏仁一兩

一兩六十箇
麩炒去皮尖

右剉散每服四大錢水一盞半煎七分去滓服無汗加
麻黃去節三分

倉公當歸酒主賊風口噤角弓反張瘞者

當歸

防風各三分

獨活一兩半

麻黃去節一兩一分

細辛去苗半兩

附子一箇六錢重
炮去皮臍

右為剉散每服四錢水酒各半盞同煎七分去滓口不
開者挾開口內湯一服蘇二服少汗三服大汗愈

破傷風濕治法

防風散治風自諸瘡口入為破傷風項強牙關緊欲死

防風去義

天南星

湯各等分

右為末每服三錢童子小便一大盞煎至七分熱服

牡礪散治破傷濕口噤強直

牡礪

取末粉付瘡口仍以末
二錢煎甘草湯調下

香膠散治破傷風口噤強直

魚膠

燒七分
留性

右研細入麝香少許每服二錢酒調下不飲酒米湯下
又一方以蘇木煎酒下

三因極一病證方論卷之七

三因極一病證方論卷之八

內所因論

夫臟腑合手足三陰三陽為十二經各有所主故為十二官
心者君主之官神明出焉肺者相傳之官治節出焉肝者將
軍之官謀慮出焉脾者諫議之官公正出焉腎者作強之官
伎巧出焉膽者中正之官決斷出焉膻中者臣使之官喜樂
出焉小腸者受盛之官化物出焉大腸者傳送之官變化出
焉胃者倉廩之官五味出焉二焦者決瀆之官水道出焉勝
眊者州都之官津液藏焉氣化則能出矣故五臟為陰六腑
為陽此十二官不得相失者正由陰陽消息盈虛當隨四序
而調養之不可使其偏勝偏勝則偏復偏復則偏害勝剋流
變則真病生焉夫陰陽虛實者乃臟腑更相勝復也若其子
母相感則母虛能令子虛子實能令母實經曰實則瀉其母
虛則補其子如肝實則瀉腎肝虛則補心如百姓足君孰與
不足此經之本意也難經則反是及觀金匱之論其得為多
肝虛補用酸助用焦苦益用甘味之藥酸入肝焦苦入心甘
入脾脾能制腎腎氣微弱則水不行水不行則心火盛心火
盛則肺金受制肝氣乃舒肝氣舒則肝病自愈此補子之意
也虛肝則用此實則反之子金亦云肝虛當補心心旺則感
於肝皆此類也此正本藏十二官冷熱盈虛而為病非外感
淫邪及故為背理者之比然內所因惟屬七情交錯愛惡相
勝而為病能推而明之此約而不濫學者宜留神焉

內所因治說

論云治傷寒有法醫雜病有方方即義方法即法令外病用
法令猶奸邪外擾非刑不除內病用義方猶父兄子弟不足
以禮格之而已故內外之治由是而分外邪難辨當以例明

內證易知只叙方證學者不可不審

肝膽經虛實寒熱證治

瀉肝湯 治肝實熱陽氣伏邪脇痛忿忿悲怒發熱喘逆蒲悶目痛視物不明狂悸非意而言尔寬尔急所作反常

前胡去苗 柴胡 秦皮去籠皮 細辛去苗 梔子仁

黃芩 升麻 蕤仁 決明子各等分

右剉散每服四錢水兩盞苦竹葉車前葉各五片煎至盞半內藥再煎至八分去滓入芒消壹錢匕煎鑿不以

時服

瀉膽湯 治膽實熱反洒洒惡寒腹中氣滿脇下硬口苦咽乾

頭疼不欲食

半夏洗去滑 生地黄伍兩 酸棗仁貳兩 黃芩壹兩

遠志去心 茯苓各貳兩 甘草炙壹兩

右剉散長流水壹斗糯米壹升煮蠲眼沸揚二三千遍澄清每用貳盞抄藥四錢匕薑七片煎七分去滓不以

時服

補肝湯 治肝虛寒兩脇滿筋急不得太息寒熱腹滿不欲飲

食悒悒不樂四肢冷發搶心腹痛目視眈眈或左脇偏痛筋萎脚弱及治婦人心痛乳癰膠熱消渴瓜甲枯口面青

山茱萸 甘草炙 桂心各壹兩 細辛去苗 茯苓

桃仁麸炒去皮 栝子仁 防風各貳兩 川烏頭炮去皮

右剉散每服四大錢水盞半薑五片棗二枚煎至七分去滓空心服

胆膈湯 治膽虛寒眩厥足痿指不能搖臂不能起僵仆目黃

失精虛勞煩擾因驚膽懾奔氣在胃喘滿浮腫不睡清道

半夏湯洗去滑 麥門冬去心各壹兩半 茯苓貳兩 酸棗仁炒叁兩

甘草炙桂心遠志去心黃芩草薺人參各壹

右為劉散每服四大錢用長流水壹斗糯米煮如瀉膳湯法一方見虛煩門

心小腸經虛實寒熱證治

瀉心湯治心實熱心下痞滿身重發熱乾嘔不安腹中雷鳴

淫澀不利水穀不消欲吐不吐煩悶喘急

黃連去毛半夏湯洗七黃芩甘草炙人參各壹

乾薑兩半

右為劉散每服四大錢水兩盞棗二枚煎七分去滓服并治霍亂若寒加附子壹枚炮去皮臍若渴加栝樓根嘔加橘皮痛加當歸客熱以生薑代乾薑

清脈湯治小腸實熱身熱手足心熱汗不出心中煩滿結塞不通口瘡身重

柴胡澤瀉橘皮芒消枳實去殼

黃芩升麻旋覆花生地黃各等分

右劉散每服四錢水盞半煎七分去滓下芒消再煎熱服不以時

茯苓補心湯治心虛寒病苦悸恐不樂心腹痛難以言心寒恍惚喜悲愁恚怒衄血面黃煩悶五心熱渴獨語不寤咽喉痛舌本強冷汗出善忘恐走及治婦人懷妊惡阻吐嘔眩暈四肢怠惰全不納食

白茯苓人參前胡半夏湯洗七川芎各參

橘皮枳殼去殼紫蘇桔梗甘草炙

乾薑各半當歸壹兩白芍藥貳兩熟地黃壹兩半

右劉散每服四大錢水盞半薑五片棗一枚煎七分去滓食前服

二

若

五

遺方有

分氣補心湯 治心氣鬱結忪悸噎悶四肢浮腫上氣喘急

大腹皮炒 香附炒去毛 白茯苓 桔梗各壹兩 木通

甘草炙 川芎 前胡去苗 青橘炒 枳殼去穢

白朮各叁分 細辛去苗 木香各半兩

右劉散每服四大錢水一盞薑叁片棗一枚煎茶分去滓食前溫服

李氏溫脈湯

溫脾湯 治小腸虛寒苦頭偏痛耳癢疼下痢赤白腸滑腹中

疔痛裏急後重

乾薑壹兩 當歸 黃蘗 地榆各貳兩

阿膠炒 茴香炒 石榴皮 黃連各壹兩

右劉散每服四錢水盞半煎七分去滓溫服

脾胃經虛實寒熱證治

二百一

清脾湯 治脾胃實熱病苦足寒脛熱腹脹滿煩擾不得卧舌本

強躄重面黃頭痛右脇滿痛偏脹口唇乾裂寒熱如瘧

茯苓 橘皮 草菓去皮 白朮各貳兩 人參

桂心 白芷 甘草炙 川芎各壹兩 半夏各兩

右為劉散每服四大錢水貳盞姜七次紫蘇三葉煎七

分去滓服欲通利加大黃一兩

平胃湯

平胃散 治胃實熱口唇乾嘔噦煩悶大小便秘澁及熱病後

餘熱不除畜于胃中四肢發熱口渴曾滿无汗時作嘔止

厚朴去皮姜製 射干米泔 升麻 茯苓各壹兩

芍藥貳兩 枳殼去穢 大黃蒸 甘草各壹兩

右為劉散每服四錢水一盞煎七分去滓空心熱服

補脾湯 治脾虛寒病泄瀉腹滿氣逆嘔吐心煩不得卧腸鳴

虛脹飲食不消勞倦虛羸喜噫四肢逆冷多卧少起清意

人參 茯苓 草菓去皮 益智壹兩 乾薑各壹兩

麥蘗炒 甘草各壹兩 厚朴去皮姜製 橘皮 白朮各壹兩

頌

右為劉散每服四錢水壹盞半煎七分去滓食前服

養胃湯 治胃虛寒脛寒不得卧浙浙惡風洒洒惡寒腹中痛
虛鳴寒熱如瘡唇口乾面目虛浮嘔噦吐瀉四肢疼痛不
思飲食或傷寒濕骨節皆痛

厚朴

姜製

藿香

去排

半夏

湯洗

茯苓

各壹

人參

甘草

炙

附子

炮去

橘皮

各壹

草菓

去皮

白木

各半

右劉散每服四錢水壹盞半薑五片棗一枚烏梅半箇煎
七分去滓空心服常服溫胃消痰進食下氣辟寒疫

肺大腸經虛實寒熱證治

清肺湯 治肺實熱肺壅汗出若露上氣喘逆咳嗽咽中塞如

嘔狀短氣客熱或唾膿血

薏苡仁

防己

杏仁

去皮

冬瓜子仁

各壹

雞子白皮

壹分

右為劉散每服四錢先以葦葉切半握水貳盞煎盡半
入藥同煎至七分去滓食前服

瀉白湯 治大腸實熱腹脹不通俠臍痛食不化喘不能久立

口生瘡

橘皮

淡竹茹

黃芩

梔子仁

藥皮

炙各

茯苓

芒消

各壹

生地黄

伍兩

右為劉散每服四錢水壹盞半姜棗煎七分空心服

瀉肺湯 治肺寒虛逆滿上氣咽中悶塞寒從背起口中如含

冰雪語无音舌本乾燥吐沫唾血不能飲食

欬冬花

桂心

各壹

桑白皮

各四

人參

紫苑茸

各壹

白石英

各壹

五味子

鍾乳粉

各壹

麥門冬

去心

貳兩

右劉散每服四大錢水一盞半薑五片棗三枚粳米壹
撮同煎七分去滓食前服

固腸湯 治大腸虛寒利下青白腸中雷鳴相逐大便不節小便赤黃氣上衝胃不能久立身腫腹急當臍痛悉主之

酸石榴皮兩半黃連炒地榆各壹兩罌粟殼細切茯苓各壹兩
右剉散每服四錢水盞半薑五片烏梅一箇煎七分去滓空心服

腎膀胱經虛實寒熱證治

青原湯 治腎實熱小腹脹滿四肢正黑耳聾骨熱小便赤黃腰脊離解及伏水等

茯苓 黃芩 菖蒲各伍兩 玄參 細辛各四兩 大黃水浸壹宿 甘草炙各兩 磁石八兩碎

瀉浮湯 治膀胱實熱腰脊痛閉塞不通舌乾咽腫悉主之

茯苓 梔子仁 知母各叁兩 生地黄 淡竹葉各伍兩 石膏八兩煨

右為剉散每服四錢水盞半煎七分入蜜半匙煎兩沸熱服須利加芒消壹錢匕

溫腎散 治腎虛寒陰痿腰脊痛身重緩弱足腰不可以按語音混濁陽氣頓絕

熟乾地黄壹斤 菴蓉酒浸 麥門冬去心 牛膝酒浸 茯苓剉 五味子 巴戟去心 甘草炙各兩 茯神去木 乾姜剉各兩 杜仲去麋皮剉姜汁炒 桑寄生以五味子各四兩

補浮湯 治膀胱虛冷脚筋急腹痛引腰背不可屈伸耳聾目眩眩坐欲倒小便數遺白面黑如炭

黃芪 白茯苓各壹兩 杜仲去皮剉姜汁炒 磁石煨碎 五味子各兩 白朮 白石英剉碎各兩

平化四膠湯

二百卅

平化補膠湯

杜

右為剉散每服四錢水盞半煎七分去滓空心溫服

心主三焦經虛寒是寒熱證治

清血湯

治右腎實熱身熱脊脇相引痛足冷小便黃赤如梔子藥汁每欲小便即莖頭痛

榆白皮

冬葵子

各伍兩

石葦

四兩 黃芩

通草

瞿麥

各參兩

右為麤末先以水貳盞入車前葉數片煎至盞半入藥末四錢再煎七分去滓熱服

潤腸湯

治三焦實熱目亢皆急痛腰脇熱脊背連臆中煩悶飲食未定頭面汗出關格不通不吐不下或氣逆不續走嘔不禁或泄瀉溺澀遺瀝

地骨皮

半夏

湯洗 柴胡

去苗 澤瀉

各伍兩 茯苓

麥門冬

去心 甘草

炙 人參

各壹兩

右剉散每服四錢水貳盞姜伍片竹茹如指大煎七分去

滓空心服

益志湯

治右腎虛寒小便數腰脇引痛短氣欬逆四肢煩疼耳鳴面黑骨間熱夢遺白濁目眩諸虛困乏

鹿茸

酥塗炙

巴戟

去心 熟乾地黄

酒浸 枸杞子

菘蓉

酒浸

牛膝

酒浸 附子

炮去 桂心

山茱萸

白芍藥

防風

去義 甘草

炙各等分

右剉散每服四大錢水盞半姜五片鹽少許煎七分去滓食前服

安中散

治三焦虛寒短氣不續腹不安食隨即洞下小便赤濁精洩不禁脚脛酸疼小腹脹滿

熟地黄

巴戟天

去心 龍骨

各貳兩 遠志

去心

茯苓

各參兩

天雄

炮去 五味子

各參兩

山藥

各參兩

從容酒浸續斷各四兩蛇床子略炒兔絲子酒浸各四兩半
右為細末每服二錢匕温酒調下夫三焦屬精腑臟精以養身係累于心脾腎三經人多以醉飽心虛而合陰陽故此病作唯謹之為得

三焦精府辨正

古人謂左腎為腎藏其腑膀胱右腎為命門其腑三焦三焦者有脂膜如手大正與膀胱相對有二白脉自中出夾脊而上貫于腦所以經云丈夫藏精女子繫胞以理推之三焦當如上說有形可見為是扁鵲乃云三焦有位無形其意以為上中二焦如漚如霧下焦如瀆不可遍見故曰有位無形而王叔和輩失其旨意遽云無狀空有名俾後輩承繆不已且名以召寔無寔奚召果其無形尚何以藏精繫胞為哉其所謂三焦者何也上焦在膻中內應心中焦在中脘內應脾下焦在臍下即腎間動氣分布人身有上中下之異方人湛寂慾想不興則精氣散在三焦榮華百脉及其想念一起慾火熾然翕撮三焦精氣流溢並命門輸寫而去故號此府為三焦耳孝者不悟可為長太息

人 痼冷積熱證治

夫以臟腑稟賦不同亦有將理失宜遂致偏冷偏熱故方論中有痼冷積熱之說痼冷者中寒也多因真氣既微胃氣不寔復啖生冷冰雪之屬致腸胃虛寒陰既停凝陽不能正大便洞泄小便頻併鼻多清涕嘔吐涎沫水穀不化洒洒漸漸皆陽虛陰盛之所為也積熱者臟腑燥也多因精血既衰三焦煩壅復餌丹石酒炙之屬致腸胃蘊毒陽既熾盛陰不能制大便秘澁小便赤淋口苦咽乾涎稠眵淚飲食无度揮揮熇熇皆陰虛陽盛之所為也治各有方

金液丹 固真氣暖丹田堅筋骨壯陽道除久寒痼冷補勞傷
虛損治男子腰腎久冷心腹積聚脇下冷癖腹中諸虫失
精遺溺形羸力弱脚膝疼痛冷風頑痺上氣衄血咳逆寒
熱霍亂轉筋虛滑下利又治痔瘻濕匿生瘡下血不止及
婦人血結寒熱陰蝕疽痔

硫黃

壹拾斤先飛煉去砂石秤研爲末用燒合盛以
水和赤石脂封口盛泥固濟曬乾地內先相
小罐子盛水令端安合子在正用泥固濟
火養七日七夜候足加煇火一煇候冷取出

右研爲細末每一兩用炊餅一兩湯浸搥去水脉爲丸
如梧子大每服三十九多至百圓温米飲下空心服之
又治傷寒陰證身冷脉微手足厥逆或吐或利自汗不
止或小便不禁不拘圓數併服得身熱脉出爲度

震靈丹

補虛壯氣暖腎祛邪益精髓温脾胃進飲食悅顏色
治真氣虛備臍腹冷痛肢躄酸疼腰背拘急脚膝緩弱面

方八

九

色痿黃目眩耳鳴心怔氣短大便自利小便頻數口乾煩
渴飲食無味大治婦人崩中帶下參拾陸病小兒驚疳及
一切痼冷風虛悉主之常服育神養氣輕身延年此藥制
合陰陽功侔造化留心服餌百病不生真濟世衛生之寶也

丁頭代赭石

禹餘糧石

揀紅紫色
无金絲者

紫石英

赤石脂

各肆兩

右各爲細末並入砂合內用赤石脂固口縫以炭一秤
簇頂煨候火消及七分存參分火取出合子令冷開却
合先於地上掘一坑深尺餘用厚紙兩重襯定傾藥在
上以新瓦盆子覆之四畔將黃土遍壅一宿取出再入
乳香沒藥二兩五靈脂二兩都爲細末一處將前藥合
和勻再研極細煮糯米糊和勻杵數千下圓如雞頭大
每服貳圓或伍圓空心濃煎薑棗湯下忌六畜血

乳香二兩

上內

五積散

治大人小兒臟腑積熱煩躁多渴面熱頭昏唇焦咽燥舌腫喉閉目赤鼻衄頰頰結硬口舌生瘡痰實不利涕唾稠粘睡卧謔妄及腸胃燥澁便溺秘結一切風壅

大黃蒸

朴消

甘草

各參兩山梔子仁

黃芩

薄荷

各壹兩連翹

四兩

右為末每服二錢水一盞竹葉七片蜜少許同煎七分去滓食後服

洗心散

治風壅壯熱頭目昏痛肩背拘急肢節煩疼熱氣上衝口苦唇焦咽喉腫痛痰涎壅滯涕唾稠粘心神煩躁眼澁睛疼及大小便秘澁

大黃

蒸

甘莫

當歸

芍藥

麻黃

去節

荆芥

穗各

白朮

壹兩半

右為末每服一錢水一盞生薑薄荷各少許煎七分去

滓溫服小兒豆瘡欲發先狂語多渴及驚風積熱可服

一錢臨卧服如大人五臟壅實欲要瀉轉加至四五錢

乘熱服

五積證治

五積者五臟之所積皆臟氣不平遇時相逆而成其病如憂傷肺肺以所勝傳肝遇長夏脾王傳剋不行故成肝積名曰肥氣肥氣者以其積氣藏於肝木之下猶肥道於山林也失志傷腎腎以所勝傳心遇秋肺王傳剋不行故成心積名曰伏梁伏梁者以其積氣橫架於育原也怒則傷肝肝以所勝傳脾遇冬腎王傳剋不行故成脾積名曰痞氣痞者以積氣痞塞中脘也喜則傷心心以所勝傳肺遇春肝王傳剋不行故成肺積名曰息貫息貫者以積氣喘息貫溢也思則傷脾脾以所勝傳腎遇夏心王傳剋不行故成腎積名曰奔豚奔

等系別老作
等能二字
左自有以類
注作解經

一百零

者猶水畜奔衝於心火也難經以肥氣成於戊己伏梁成於庚辛以至奔豚成於丙丁者正合陰陽施化休王乘剋之大義也又論曰病有積有聚有馨氣積者藏病也終始不移聚者府病也發無定處展轉痛移為可治馨氣者即宿食也由馨氣之邪從口入更有息積病乃氣息痹滯於脇下非導引不行

肥氣圓治肝之積在左脇下如覆杯有頭足如龜鑿狀久久不愈發欬逆嘔痰瘧連歲月不已其脉弦而細

青皮炒煎兩當歸續蒼朮各壹兩蛇含石各壹兩鐵孕粉各壹兩蓬朮切三稜切

右為末醋煮米糊丸黍豆大每服四十圓當歸浸酒下

伏梁圓治心之積起於臍上上至心大如臂久久不已病煩心身躄股皆腫環臍而痛其脉沉而乳

茯苓製汁厚朴製汁人參製汁枳殼去穢白朮湯洗半夏湯洗三稜煨火

右等分為末煮糊丸梧子大米飲下二十圓食前日兩服作散酒調服絕勝

胃氣圓治脾之積在胃管覆大如盤久久不愈病四肢不收黃瘰飲食不為肌膚心痛徹背背痛徹心脉浮大而長

大烏頭壹分炮附子半兩炮赤石脂散川椒炒出乾薑炮桂心半兩

右為末蜜丸如梧子大朱砂為衣每服五七丸米湯下漸至十圓食前

息音湯治肺之積在右脇下大如覆杯久久不愈病洒洒寒熱氣逆喘咳發為肺癰其脉浮而毛

半夏湯洗吳茱萸湯洗桂心各半人參

揚

李

甘草

桑白皮

葶藶

右為對散每服四錢水一盞半姜七片棗兩枚煎七分去滓食前服

奔豚湯

治腎之積發於小腹上至心如豚奔走之狀上下無時久久不已病喘逆骨痠少氣其脈沉而滑

甘李根皮

乾葛

當歸

川芎

白芍藥

甘草

黃芩

半夏

右為對散每服四錢水盞半煎七分去滓服

六聚證治

六府者大小腸胃膽膀胱三焦者也屬於三陽太陽利清氣陽明泄濁氣少陽化精氣如都會之府主轉輸以為常也六府失常則壅聚不通故實而不轉虛而輸隨氣往來痛無定處在上則格在下則脹傍攻兩脇如有坯塊易於轉變非五臟比乃可治也

散聚湯

治久氣積聚狀如癥瘕隨氣上下發作有時心腹絞痛攻刺腰脇上氣窒塞喘咳滿悶小腹膜脹大小便不利或復泄瀉淋瀝無度遺精白濁狀若虛勞

半夏

檳榔

當歸

橘皮

杏仁

桂心

茯苓

甘草

附子

川芎

枳殼

厚朴

吳茱萸

右對散每服四錢水一盞半煎七分去滓食前服大便不利加大黃

息積證治

病者脇下滿氣逆息難頻歲不愈名曰息積因氣留滯癖於脇下不在臟腑榮衛之間積久形成氣不干胃故不妨食多

別本作腹

別本作水

之則火熱內燦刺之則反動其經雖服消化之藥不能獨治宜積以導引助而行之

養神圖 治腸胃因虛氣癖於盲膜之外流於季脇氣逆息難惕日頻年醫所不治久則榮衛停凝一旦敗濁潰為癰膿多致不救

胡椒 壹伯伍 木香 壹分 全蝎 十人个去毒

右為末粟米飲圓如棗豆大每服十五圓橘皮湯下

化氣湯 治息積癖于腹脇之下偏脹膨滿不妨飲食鐵藥不能取轉及治心脾疼痛嘔吐酸水丈夫小腸氣婦人脾氣

縮砂仁 桂心 木香 各壹分 甘草 炙 茴香 炒

丁香皮 青皮 炒 陳皮 生薑乾 蓬朮 炮各半兩

胡椒 沉香 各壹錢

右為末每服二錢姜蘇益湯調下婦人醋湯調服

導引法

以兩手母指壓無名指本節作拳按髀跌坐扣齒三十六屏氣二十一息嚙氣三口再屏息再嚙如是三作以氣通為效遇子午卯酉時則行然按摩導引之法甚多隨意行之皆可不必拘此法

五勞證治

五勞者皆用意施為過傷五臟使五神不寧而為病故曰五勞以其尽力謀慮則肝勞曲運神機則心勞意外致思則脾勞預事而憂則肺勞矜持志節則腎勞是皆不量稟賦臨事過差遂傷五臟以臟氣本有虛實因其虛實而分寒熱世醫例以傳尸骨蒸為五勞者非也彼乃瘵疾各一門類不可不知

猪膏湯 治肝勞實熱閉格牢澁閉塞不通毛悴色天

猪膏 生薑汁 各二 青蒿汁 天門冬汁 各壹

右以微火銀石器內熬成膏每服壹匙酒湯調下不拘時候

虎骨酒

治肝勞虛寒口苦關節疼痛筋攣縮煩悶

虎骨伍斤炙去毛丹參貳兩地骨皮 乾薑 芍藥各壹兩

熟地黄壹兩猪椒根 五加皮 枳實貳兩白木各壹兩

右為剉散以絹袋盛淳酒四斗浸四日初服二三合漸

加至壹盞日再服食前

泄熱湯

治心勞實熱口舌生瘡大便閉澀不通心滿痛小

澤瀉 梔子仁 黃芩各壹兩桂心 通草各壹兩

石膏伍斤 大黃壹兩 甘草各壹兩

右為剉散每服四錢水盞半煎七分去滓食後熱盛者

煎熟加芒消壹錢煎不以時服

定心湯

治心勞虛寒驚悸恍惚多忘夢寐驚厥鬼神志不定

茯苓四兩 桂心 甘草各壹兩 白芍藥

乾薑壹兩 遠志去心 人參各壹兩

右剉散每服四錢水盞半棗兩枚煎七分去滓食前

半夏湯

治脾勞實熱四肢不和五臟乖戾脹滿肩息氣急不安

茯苓 白木 杏仁各壹兩

橘皮 芍藥各貳兩 半夏各壹兩

右剉散每服四錢水盞半生薑七片棗兩枚煎七分去

滓不以時服

茱萸膏

治脾勞虛寒氣脹咽滿食不下通噎宿食臭

吳茱萸兩 白木伍兩 猪膏五兩 宿姜汁八兩

右搗茱萸白木貳味為末內薑汁膏中煎成膠飴每服

壹大匙食前溫酒調下

引氣湯

治肺勞實熱氣喘鼻張面目苦腫

引本作用

去目可目

橘皮

半兩

細辛

去苗

白朮

桂心

各二分

紫蘇

壹兩

麻黃

去節

杏仁

去尖

石膏

八兩

半夏

湯洗七次去滑

各壹兩

分

右剉散每服四錢水兩盞姜七片竹葉五片煎七分去滓食後服

滓食後服

人參厚朴湯

治肺勞虛寒心腹冷氣逆遊氣胃脇氣滿從胃

達背痛嘔逆飲食即吐虛乏不足

人參

厚朴

姜製

甘草

各二分

桂心

四兩

半夏

湯洗

橘皮

麥門冬

去心

各

分

右剉散每服四錢水兩盞姜七片去滓食前服腹痛加

當歸

並七

拖子湯

治腎勞實熱小腹脹滿小便赤黃末有餘瀝數而少

莖中痛陰囊生瘡

拖子仁

芍藥

通草

石韋

各二分

兩

滑石

八兩

紫芩

四兩

熟地黄

掄白皮

各五兩

右剉散每服四錢水盞半淡竹葉七片同煎七分去滓

不以時服

五加皮湯

治腎勞虛寒恐慮失志傷精損髓噓吸短氣遺泄

白濁小便赤黃陰下濕痒腰脊如折顏色枯悴

五加皮

兩

丹參

兩

石斛

酒浸

杜仲

酒浸

附子

炮去皮

各五兩

牛膝

酒浸

秦艽

川芎

防風

桂心

獨活

各肆

茯苓

兩

麥門冬

去

地骨皮

各二分

薏苡仁

壹

兩

右為剉散每服四大錢水盞半姜五片大麻子一撮研

破同煎七分去滓食前服

六極證治

臟猶庫藏主祕藏腑如會府主轉輸藏實則腑無不實腑虛則臟亦因而致虛故六極者由腑虛致臟虛陰陽失度榮衛

製本有刻
斷三字

走本無以養筋脉皮肉骨髓故六物皆極極者窮絕之謂也
與洪範六極同意

犀角地黄湯 治筋實極致而兩脇下痛不可轉動脚下滿不

得遠行脚心痛不可忍手足爪甲青黑四肢筋急煩滿

生地黄 犀角鎊各壹兩 乾葛 玄參

桅子仁 升麻各三分 大黃半兩 芍藥壹兩

右為剉散每服四錢水盞半煎七分去滓不以時服惡

寒躄痛加麻黃頭疼加石膏煎半兩

烏麻酒 治筋虛極好悲思四肢噁吸脚手拘攣伸動縮急腹

內轉痛十指甲痛數轉筋甚則舌卷如縮唇青面色蒼白

不得飲食

烏麻 十兩 人參 防風 茯苓 細辛

秦椒炒出 黃芪 當歸 牛膝 桔梗各壹兩

乾地黄 丹參 署預 礬石各二兩 山茱萸

川芎各三兩 麻黃去節 白朮各三兩 五加皮 生乾姜各五兩

大棗 鍾乳粉各三兩別以

右為剉散用清酒貳斗半同浸五宿温服各日再服

地黄湯 治脉實極氣衰血焦髮落好怒唇舌赤甚則言語不

快色不澤飲食不為肌膚

麥門冬法 生地黄各五兩 人參 茯苓 芍藥各三兩

萎蕤四兩 石膏六兩 遠志去心 甘草炙 白朮各三兩

右剉散每服四錢水盞半煎七分去滓不以時服

防風圓 治脉虛極則效效則心痛喉中介介如哽甚則咽睡

防風 桂心 通草 茯苓 人參

遠志去心 甘草炙 白石英 麥門冬去心

右為細末蜜丸如梧子大食前酒服各三十圓

石南散 治肉實極肌痺淫淫如鼠走津液脫膝理開汗大泄
或不仁四肢急痛或復緩弱唇口壞皮膚變色

石南壹兩 天雄壹兩 山藥 桃仁製炒去尖 芍藥

甘菊花 甘草壹兩 升麻 萎蕤各壹兩 黃芪

辰砂別研各壹分 石膏壹兩 山茱萸壹兩

右為細末每服二大錢食前溫酒調下

大黃芪湯 治肉虛極躄重怠惰四肢不欲卒關節疼痛不嗜

飲食食則效效則右脇下痛陰引背及肩不可轉動

黃芪 桂心 巴戟去心 石斛 酒浸澤瀉

茯苓 乾薑炮各兩 防風 獨活 人參各貳兩

天雄炮去皮 芍藥 附子炮去皮 半夏湯洗七次 細辛去苗

白朮 黃芩 括樓根各壹兩

右為劉散每服四錢水二盞生薑七片煎七分去滓食

前服

前胡湯 治氣實極喘息衝胃常欲自恚心腹滿痛內外有熱

煩嘔不安甚則唾血氣短乏不欲食口燥咽乾

前胡剉兩 半夏湯洗七次 麻黃湯去節 芍藥各肆兩

黃芩叁兩 枳實炒去穢

右劉散每服四錢水二盞生薑七片棗一個煎七分去滓

不以時服

鍾乳散 治氣虛極皮毛焦津液不通力乏腹脹甚則喘急氣

短息寒晝差夜甚

煉成鍾乳別研 乾薑炮 桔梗 茯苓

附子炮去皮臍 細辛去苗 桂心 人參各壹兩

白朮壹兩 防風 牡蠣煨 括樓根各貳兩

右為末每服二大錢溫酒調下食前

竹葉湯 治精實極眼視不明齒焦髮落形衰通身虛熱甚則
會中疝痛煩悶泄精

生乾地黄 伍兩 芍藥 肆兩 黃芪 茯苓

澤瀉 甘草 炙 麥門冬 去心各

右剉散每服四錢水盞半姜三片淡竹葉十片煎七分
去滓不以時服

磁石圓 治精虛極疰羸驚悸夢中遺泄尿後遺瀝小便白濁
甚則羸弱核微小腹裏急

磁石 煅 龍齒 煨 茯苓 酒浸 茯苓 各貳 人參

麥門冬 去遠志 去心續斷 赤石脂 煨

鹿茸 各 地黄 乾者 韭子 炒 栝子仁 丹參 各壹

右為末蜜丸梧子大食前溫酒下三十圓至五十圓

二黃圓 治骨實極熱耳鳴面色焦枯隱曲膀胱不通牙齒腦

髓苦痛手足酸疼大小便閉

黃芩 陸兩冬 大黃 貳兩冬用肆 黃連 春用肆兩夏用貳兩

右三味搗和蜜丸豆大每服十圓至十五圓米飲下

鹿角圓 治骨虛極面腫垢黑脊痛不能久立氣衰髮落齒搖
腰背相引痛甚則喜唾不了 方見五痿門

七氣叙論

夫五臟六腑陰陽升降非氣不生神靜則寧情動則亂故有
喜怒憂思悲恐驚七者不同各隨其本臟所生所傷而為病
故喜傷心其氣散怒傷肝其氣擊憂傷肺其氣聚思傷脾其
氣結悲傷心胞其氣急恐傷腎其氣怯驚傷膽其氣亂雖七
診自殊無踰於氣黃帝曰余知百病生於氣也但古論有寒
熱憂恚而無思悲恐驚似不倫類於理未然然六府無說唯
膽有者蓋是奇恒淨府非轉輸例故能蓄驚而為病

舉外恒恒然
以粉等

二百七十

七氣證治

夫喜傷心者自汗不可疾行不可久立故經曰喜則氣散怒傷肝者上氣不可忍熱來盪心短氣欲絕不得息故經曰怒則氣擊一作憂傷肺者心系急上焦閉榮衛不通夜卧不安故經曰憂則氣聚思傷脾者氣留不行積聚在中腕不得飲食腹脹滿四肢怠惰故經曰思則氣結悲傷心胞者善忘不識人置物在處還取不得筋攣四肢浮腫故經曰悲則氣急恐傷腎者上焦氣閉不行下焦回還不散猶豫不決嘔逆惡心故經曰恐則精却驚傷膽者神無所歸慮無所定說物不竟而追故經曰驚則氣亂七者雖不同本乎一氣藏氣不行鬱而生涎隨氣積聚堅大如塊在心腹中或塞咽喉如粉絮吐不出噤不下時去時來每發欲死狀如神靈所作逆害飲食皆七氣所生所成治之各有方

七氣湯治臟腑神氣不守正位為喜憂思悲恐驚汗鬱不行遂聚涎飲結積堅牢有如坏塊心腹絞痛不能飲食時發時止發則欲死

半夏湯洗去滑伍兩 人參 桂心 甘草炙各壹兩

右剉散每服四錢水盞半姜七片棗一枚煎七分去滓食前服

大七氣湯治喜怒不節憂思兼并多生悲恐或時振驚致藏氣不平增寒發熱心腹脹滿傍衝兩脇上塞咽喉有如炙嚔吐噤不下皆七氣所生

半夏湯洗伍兩 白茯苓肆兩 厚朴薑製貳兩 紫蘇貳兩

右剉散每服四錢水盞半姜七片煎七分去滓食前服五噎證治

夫五噎者即氣噎憂噎勞噎思噎食噎雖五種不同皆以氣

別本無二

為主所謂氣噎者心悸上下不通噎噦不徹曾背痛憂噎者
遇天陰寒手足厥冷不能自溫勞噎者氣上高脇下支滿曾
中填塞攻背疼痛思噎者心怔悸喜忘目視眈眈食噎者食
無多少曾中苦寒疼痛不得喘息皆由喜怒不常憂思過度
恐慮無時鬱而生涎涎與氣搏升而不降逆害飲食與五膈
同但此在咽噎故名五噎

五噎散治五種噎食飲不下曾背痛嘔噦不徹攻刺疼痛淚
與涎俱出

- 人參 茯苓 厚朴去麩皮剉 枳殼去麩炒
- 桂心 甘草炙 訶子炮去核 白朮
- 橘皮 白薑炮 三稜炮 神麴炒
- 麥蘖炒各 木香炮 檳榔 蓬朮炮各半兩

右為末每服貳錢水壹盞生姜三片棗子一枚煎七分

空心溫服益湯點亦得

沉香散治五噎五膈曾中久寒諸氣結聚嘔逆噎塞食飲不
化結氣不消常服寬氣通噎竟中進食

- 白朮 茯苓各半 木通 當歸 橘皮
- 青皮 大腹子 大腹皮 檳榔 芍藥各壹
- 甘草炙 白芷各兩 紫蘇葉兩 枳殼去麩炒

右為末每服貳錢水壹盞姜三片棗一枚煎七分空腹
溫服

五噎散治中滿下虛五噎五膈脾胃不和曾膈痞悶脇肋脹
滿心腹刺痛可思飲食如中焦虛痞不任攻擊臟腑虛寒
不受峻補或因病氣衰不復常稟受怯弱不能多食尤宜
服之

- 批把葉去毛 薏苡仁炒 縮砂仁 人參 茯苓各壹

別本有沉香
木香
人參
紫蘇葉
枳殼

石劑如用酒大腹子燻沉香 小香 藜香

杜仲去心及皮酒燻 隨風子如天麻燻小香 藜香燻白芷

五味子燻 桑白皮 丁香 檳榔 青皮略半

半夏餅黃 神麩各一 甘草炙兩 陳皮三 白木燻式

右為末每服二錢水一盞生姜三片棗二枚煎至七分

溫服不計時五噎入乾柿一枚同煎拾服見效膈氣吐

逆氣困入難白三寸棗五枚同煎

五噎

獨頭蒜不拘多少 每個開十餘入土裏煨子

丁香 檳榔 木香 藜香 胡椒

右等分五末用蒜膏為丸如梧子大先嚼鹽少許令生

津液乾噎貳粒漸加至三五圓臨臥服

膈五行記求數中有僧維則病噎不能食語弟子曰吾死之

後便可開吾曾喉視有何物言絕而卒弟子果開視胃中得

一物形似魚而有两頭遍躡皆肉鱗弟子置器中跳躍不止

戲以諸味皆隨化尽時夏中藍盛作殿有一僧以澀置器中

此虫遂透器中走頃更化為水此乃生瘕非五噎比後人因

以藍治噎誤矣

五膈證治

病有五膈者胃中氣結津液不通飲食不下羸瘦短氣各憂

膈中脘實滿噎則醋心飲食不消大便不利名曰思膈胃物

逆痛噎塞不通嘔則筋急惡聞食臭名曰怒膈五心煩熱口

舌生瘡肉肢倦重身常發熱胃痺引背不能多食名曰喜膈

心腹脹滿欬嗽氣逆腹下苦冷雷鳴逆膈痛不能食名曰恐

膈此皆五情失度動氣傷神致陰陽不和結于胃膈之間病

在膈中之下故名五膈若在咽隘即名五噎治之五病同法

膈

生物

病

寶高圓治憂恚思慮膈塞不通及食冷物即發其病苦心
 不得氣息引背痛如刺心下堅大如粉絮緊痛欲吐吐即
 差食飲不下甚者手足冷短氣或上氣喘急嘔逆悉主之
 麥門冬去心甘草炙各人參肆兩川椒炒出遠志六心
 細辛去苗桂心各參乾薑炮貳附子炮壹
 右為末蜜圓彈子大含化日三夜二會中當熱七日愈
 亦可丸如梧子大米湯下二三十圓延年方夏加麥門
 冬甘草人參各一兩經心錄以吳茱萸代桂治遇寒冷
 則心痛咽中有物吐不出噯不入食飲減少並可服之
 不拘時候

寶高圓治氣不升降胃膈結痞

木香 京三稜炮 青皮各半 半夏洗七次
 大腹子壹分

右為細末姜汁糊為丸梧子大食後米湯下二三十圓

嘉禾散 沉香散並治五隔方見前五噎門

三因極一病證方論卷之八



